


 Eritatis hoc semper fatum fuit, ut, quò plures sui
 sparserit atq; illustriores radios, eò tenebricosiori-
 bus offucijs atq; fraudibus involvere ipsam conen-
 tur pessimi nebulones ac versutiloqui calumniatores & syco-
 phantæ. *Hæc est conditio veritatis*, scribit Hieronymus (in c. IV.
 Galat. v. 16.), *ut eam semper inimicitia sequantur, sicut per adulationem
 perniciosam amicitia conquiruntur: Libenter enim, quod dele-
 etat, auditur, & offendit omne, quod nolumus. Amara est veri-
 tas*, inquit idem (lib. II, advers. Jovinian, circa fin.), *& qui eam
 predicant, replentur amaritudine*. At interim tamen, dicente
 Augustino (epist. IX, ad Hieronym.) *incomparabiliter pulchrior
 est veritas Christianorum, quam Helena Græcorum: pro istâ enim
 fortius nostri martyres adversus hanc Sodomam, quam pro illâ illi
 heroes adversus Trojam dimicaverunt. Hinc & idem (ad eund.
 epist. XIX.) dubitat, utrum Christianæ amicitia putandæ sint, in
 quibus magis valet vulgare proverbium, Obsequium amicos, veri-
 tas odium parit; quam ecclesiasticum, Fideliora sunt vulnera ami-
 ci, quam voluntaria oscula inimici. Rectè itaq; & piè iterum Hier-
 onymus aut quisquis autor fuerit illorum Commentarior. in
 Psalm. CXLVI, 6: Si nos opprimit mendacium, non contriste-
 mur, Custodit Dominus veritatem in sæculum. Nescio quis con-
 tra nos mentitus est, & magis illi creditur mentienti, quam no-
 bis verum dicentibus, non debemus desperare: Custodit Domi-
 nus veritatem in sæculum. Pulchrè dixit, Custodit. Custodit illam
 & habet in thesauro suo; reddet nobis, quod servavit. Qui cu-
 stodit veritatem in sæculum, Christus est veritas, Veritatem lo-
 quamur, & veritas nobis servat veritatem. Nempe (quod gravis-
 simè simul & verissimè ad Dioscorum scribit Augustinus epist. LVI.)
 „nullo modo ad assequendam veritatem melius consuli potuit
 „generi humano, quam ut homo ab ipsâ veritate susceptus inef-
 „fabiliter atq; mirabiliter, & ipsius in terris personam gerens, re-
 „cta præcipiendo & divina faciendo salubriter credi persuade-
 ret,*

ret,